



REPUBLIKA E KOSOVËS
REPUBLIKA KOSOVA

KËSHILLI GJYQËSOR I KOSOVËS
SUDSKI SAVET KOSOVA


DHOMA E POSAÇME E GJYKATËS SUPREME
SPECIJALNA KOMORA VRHOVNOG SUDA – SPECIAL CHAMBER OF THE SUPREME COURT

REPUBLIKA E KOSOVËS - REPUBLIKA KOSOVA - REPUBLIC OF KOSOVO	
AGJENCIA KOSOVARE E PRIVATIZIMIT - KOSOVSKA AGENCIJA ZA PRIVATIZACIJU	
PRIVATISATION AGENCY OF KOSOVO	
II	
Nr.	4231
Br.	
No.	
Nr i fq.	5
Br.Str.	
No. pg.	
Data:	15. 09. 2025
Datum:	
Date:	
Prishtinë / Pristina	

VERTETIMI MBI DOREZIMIN E DOKUMENTIT	POTVRDA O DOSTAVI DOKUMENTA	ACKNOWLEDGEMENT OF RECEIPT OF A DOCUMENT
--	-----------------------------------	--

Numëri i lëndës: Br. predmeta : Case Number:	C-IV.-25-0044	Data: Datum: Date:	10/09/2025
Titulli i dokumentit:	Naziv dokumenta:	Document name:	Datë/Datum/Dated:
Aktvendim			29/08/2025

Pala	Stranka	Party	Agjencia Kosovare e Privatizimit Prishtine
Pranuar nga	Primio:	Received by	
Titulli	Zvanje:	Title	
Data	Datum:	Date	15. 09. 2025
Nënshkrimi	Potpis:	Signature	





REPUBLIKA E KOSOVËS/REPUBLIKA KOSOVA

Numri i lëndës: 2025:156445

Datë: 29.08.2025

Numri i dokumentit: 07676846

C-IV.-25-0044

Parashtruesi i kërkesës:

Agjencia Kosovare e Privatizimit, Autoriteti i Likuidimit për Ndërmarrjen Shoqërore Kooperativa Bujqësore "Banja" në Banjë Komuna e Malishevës me nr. PRZ082 me adresë Rr. "Dritan Hoxha" nr.55, Prishtinë.

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (Dhoma e Posaçme), gjyqtari Dr.sc.Murat Hulaj, me 29.08.2025, lëshon këtë:

AKTVENDIM

I. Aprovohet Raporti Përfundimtar i Agjencisë Kosovare të Privatizimit - Autoritetit të Likuidimit për Ndërmarrjen Shoqërore Kooperativa Bujqësore "Banja" - Banjë Komuna Malishevë, PRZ082 (Fi-347/90) dhe **lejohet** mbyllja e rastit të likuidimit ndaj kësaj NSH-je.

II. Lirohet AL nga çdo detyrë e mëtejshme në lidhje me procedurat e likuidimit, përveç për ekzekutimin e ndonjë shpërndarjeje përfundimtare që nuk është realizuar ende.

III. Parashtruesi ka paguar taksën gjyqësore dhe nuk ngarkohet me taksa shtesë.

Rrethanat faktike dhe procedurale

Me datë 07.08.2025, parashtruesi i kërkesës ka dorëzuar në Dhomën e Posaçme të Gjykatës Supreme (DHPGJS), raportin përfundimtar të mbylljes së procesit të Likuidimit të Agjencisë Kosovare të Privatizimit - Autoritetit të Likuidimit për Ndërmarrjen Shoqërore Kooperativa Bujqësore "Banja" - Banjë Komuna Malishevë, PRZ082.



10. SEP. 2025

AL-ja ka kërkuar nga Bordi i Drejtorëve të AKP-së, dhënien e lejes për të aplikuar për Raportin Përfundimtar. Po ashtu, është dorëzuar edhe shkresa e AL-së, e datës 12.02.2018, me të cilën është njoftuar Bordit i Drejtorëve se: *“Nuk ka të evidentuara dhe nuk posedon në emër të saj me asnjë pronë apo aset dhe si e tillë nuk ka të gjeneruar asnjë të hyrë nga privatizimi dhe shitja e asetëve përmes likuidimit dhe rrjedhimisht nuk posedon më fond të likuidimit përmes së cilit do të përmbushte detyrimet ndaj kreditorëve”*.

Raportit përfundimtar i janë bashkëngjitur edhe: historiku i shkurtë dhe statusi i KB “Banja”, historiku i procesit të likuidimit, vendimi mbi themelimin e autoritetit të likuidimit dhe ndërrimet e anëtarëve të AL-së, publikimet e njoftimeve për fillimin e likuidimit në gazeta, njoftimet formale të gjykatave dhe institucioneve relevante mbi fillimin e procesit të likuidimit, lista e kërkesave kreditore të parashtruara brenda afatit ligjor, njoftimet kreditorëve për mungesë të fondeve, asetet, shkresë konfirmuese nga Dhoma e Posaçme e Gjykatës Supreme, pasqyra financiare dhe letër konfirmimi nga administrata tatimore e Kosovës.

Ka kërkuar nga DHPGJS-së që pas shqyrtimit të kërkesës, në pajtim me nenin 43 dhe nenin 44 të Shtojcës së Ligjit për AKP-në, të marr vendim me të cilin do të miratohet Raporti Përfundimtar dhe të mbyllet rasti i likuidimit të N NSH-së lëndore.

Arsvetimi ligjor

Dhoma e Posaçme, pas shqyrtimit të kërkesës, konstaton se kërkesa është e bazuar dhe si e tillë duhet të aprovohet.

Sipas nenit 43 paragrafi 1, të Shtojcës së Ligjit të AKP-së, i ndryshuar dhe i plotësuar me Ligjin 06/L-023, (nenin 26) Autoriteti i Likuidimit, pas përfundimit të plotë apo përfundimit substancial të realizimit të pronës së Ndërmarrjes sipas likuidimit, apo pas mbylljes së rastit të Likuidimit, ia parashtron për informim raportin përfundimtar Bordit të Drejtorëve, para se të dorëzohet ky raport në Gjykatë nga Autoriteti i Likuidimit.

Paragrafi 2 i nenit 43 përcakton se Raporti përfundimtar përmban:

- 2.1. një listë të të gjitha pronave të shitura apo të zgjidhura në mënyra tjera,
- 2.2. një listë të fletëpranimeve dhe pagesave të parasë së gatshme,
- 2.3. një listë përfundimtare të të gjitha kërkesave të lejuara,... dhe
- 2.4. një listë të balancit të mbetur në llogarinë bankare me shpjegim të qëllimit;

Paragrafi 3 i shtojcës së Ligjit bazik po ashtu i ndryshuar me Ligjin 06/L-023, (nenin 26) përcakton se: *Autoriteti i Likuidimit brenda pesë (5) ditëve do të shpall në faqen zyrtare të internetit të Agjencisë, Raportin Përfundimtar të aprovuar nga Gjykata për mbylljen e rastit të likuidimit të ndërmarrjes.*



Neni 44 paragrafi 1, i Shtojcës së Ligjit të AKP-së, parasheh që përveç rasteve të rregulluara në paragrafët 2 dhe 3 të këtij neni, mbyllja e rastit ndodh kur Gjykata aprovon raportin përfundimtar të Autoritetit të Likuidimit sipas nenit 43 të kësaj Shtojce.

Autoriteti i Likuidimit ka dorëzuar Raportin Përfundimtar për aprovim duke përfshirë dëshmitë në vijim që janë shqyrtuar nga gjykata: Llogaria e detajuar e NSH-së në likuidim; kërkesat dhe datat e njoftimeve; ankesat në Komisionin për shqyrtimin e ankesave; ankesat-paditë në Dhomën e Posaçme; pozicioni i parave të gatshme të likuidimit; historiku përmbledhës i likuidimit; transaksionet e privatizimit dhe likuidimit; vendimi i Bordit të Drejtorëve të AKP-së, dt. 14.12.2017 dhe vendimi i Bordit të Drejtorëve të AKP-së, dt. 15.12.2017.

Sipas vendimit të Bordit të Drejtorëve të AKP-së, për fillimin e procedurës së Likuidimit për Ndërmarrjen Shoqërore Kooperativa Bujqësore "Banja" - Banjë Komuna Malishevë, kjo Ndërmarrje ka hyrë në proces të likuidimit me datën 12.02.2018. Pasi ka filluar procesi i likuidimit të kësaj NSH-je, Njoftimi i parë për fillimin e procesit të likuidimit, dhe për afatin e dorëzimit të kërkesave kreditore, është publikuar me datë 22.02.2018, në gazetën Koha Ditore dhe Kosova Sot në gjuhën shqipe dhe angleze. Pastaj, dhe me 06.03.2018 AKP-ja ka bërë publikimet në gjuhën serbe dhe angleze në gazetën ditore Danas dhe Pobeda. Po ashtu, Autoriteti i Likuidimit ka bërë edhe njoftimin me shkrim për fillimin e procesit të likuidimit të NSH-së, për disa subjekte relevante si kreditorë potencial, konform nenit 7.4 të Shtojcës së Ligjit për AKP-në, duke i ftuar ato që kërkesat kreditore eventuale, t'i dorëzojnë pranë AL-së. Raportit i janë bashkëngjitur dëshmitë e publikimit të këtyre njoftimeve.

Me datë 14 dhe 15 dhjetor 2017, Bordi i Drejtorëve të Agjencisë ka nxjerr vendim për fillimin e procedurës së likuidimit të Ndërmarrjes lëndore dhe për themelimin e Komisionit të Likuidimit në përbërje prej Kryesuesit dhe katër anëtarëve. Më vonë ka pasur ndryshime në përbërjen e Autoritetit të Likuidimit.

Nga dëshmia "Kalkulimi i mbetjeve të fondeve në likuidim", vërtetohet se fondi i përgjithshëm i Ndërmarrjes nga gjendja bankare është 0 (zero) €.

Në bazë të shqyrtimit të dosjes së lëndës, gjykata vlerëson se Agjencia Kosovare e Privatizimit - Autoriteti i Likuidimit, i ka ndërmarrë të gjitha masat dhe veprimet e nevojshme për mbylljen e rastit të likuidimit të kësaj NSH-je, andaj, e aprovon Raportin Përfundimtar të NSH-së dhe lejon mbylljen e rastit të likuidimit të kësaj NSH-je.

Dhoma e Posaçme tërheqë vëmendjen se Autoriteti i Likuidimit mbetet përgjegjës për veprimet apo lëshimet joligjore gjatë mandatit të tij si Autoriteti i Likuidimit, sipas nenit 46 paragrafi 2 të Shtojcës së Ligjit të AKP-së.

Prandaj, bazuar në arsyet e dhëna më sipër dhe në bazë të neneve 43 dhe 44, të Shtojcës së Ligjit të AKP-së, u vendos si në dispozitiv të këtij Aktvendimi.



Numri i lëndës: 2025:156445
Datë: 29.08.2025
Numri i dokumentit: 07676846

Taksat gjyqësore

Parashtruesi i kërkesës, ka bërë pagesën e taksës gjyqësore, në shumë prej 100.00 € dhe nuk caktohen taksa shtesë në këtë procedurë.

DHOMA E POSAQME E GJYKATËS SUPREME

Gjyqtari,
Dr.sc.Murat Hulaj



Këshillë juridike

Kundër këtij aktvendimi mund të parashtrohet ankesë me shkrim në Kolegjin e Apelit të Dhomës së Posaçme brenda 15 ditëve nga pranimi i këtij aktvendimi. Ankesa duhet të dorëzohet në bazë të nenit 9.6 të Ligjit për Dhomën e Posaçme.

